


VSCHINAUNCHA DA S-CHANF



LEDSCHA DAVART PARKER VEICULS A MOTOR SÜN TERRAIN PUBLIC (Ledscha da parker)

Ledscha davart parker veiculs a motor sün terrain public

(Ledscha da parker)

Art. 1 Definiziun

Scu parkegis publics sün terrain public velan las piazzas generelmaing accessiblas e signalisedas resp. markedas per veiculs a motor sün vias e piazzas publicas, sün immobiglias in possess da la vschinauncha scu eir sün areals il dret d'utilisaziun da la vschinauncha.

Art. 2 Concept da parker

¹La suprastanza cumünela elavura ün concept da parker scu basa per las sancziuns chi sun da decreter.

²Il parker generel sün terrain public vain reglo tres limitaziuns da lö e da temp.

³Illas zonas signalisedas cun scumand da parker es scumando da parker dadour las piazzas da parker signalisedas resp. markedas sün terrain public.

⁴La suprastanza cumünela fixescha differentas categorias da piazzas da parker.

⁵In cas d'occurrenzas specielas paun las restricziuns da parker gnir annulledas transitoriamaing. Pel medem motiv paun eir gnir decretos scumands da parker transitoris.

⁶S-charg e recharg da marchanzia, prestaziuns da servezzans, lavuors da fabrica ed oter pü sun be pussibels davent da piazzas da parker a temp limito. Dadour las piazzas da parker markedas, po l'administraziun cumünela conceder ün permiss per ün temp limito e suottamiss a taxas per pudair surpasser la düreda maximela da parker resp. per parker dadour las piazzas da parker markedas.

⁷In cas chi vain permiss da parker dadour las piazzas da parker markedas nu suoscha gnir impediou l'ulteriur trafic e la sgürezza dal trafic. A sun da resguarder las dispusiziuns da l'autorited cumünela.

Art. 3 Taxas da parker

¹Il parker sün terrain public es per princip gratuit.

²La suprastanza cumünela fixescha las taxas da parker adequatas (seguond art. 2).

Art. 4 Adöver da las taxas

Las entredgias da las taxas da parker servan in prüma lingia a la gestiun ed al mantegnimaint dals implaunts da parker e lur indrizs scu eir a l'indemnisaziun dals cuosts per la controlla da las plazzas da parker.

Art. 5 Aboliziun e modificaziun dal dret da fin uossa

Cun l'entreda in vigur da quista ledscha vegn abolieu il reglamaint da parker dals 4 avrigl 2012 scu eir ils decrets chi as basan sün el. Il medem vela per decisziuns, per quaut ch'ellas staun in cuntradicziun cun la nouva ledscha inclusivmaing l'uorden in merit.

Art. 6 Entreda in vigur

Quista ledscha da parker aintra in vigur cun l'approvaziun tres la radunanza cumünela dals 15 november 2017.

Vschinauncha da S-chanf

Il president:



G. F. Largiadèr



L'actuar:



G.L. Vitalini